

Pennaeth Adran Amgylchedd

(Cynllunio, Gwarchod y Cyhoedd, Eiddo, Trafnidiaeth a Chefn Gwlad)

Head of Environment Department

(Planning, Public Protection, Property, Transport & Countryside)

Dafydd Wyn Williams

Gofynnwch am/Ask for: Dafydd Wyn Williams

☎(01286) 679371

Ein Cyf / Our Ref: **DWW/amj**

Eich Cyf / Your Ref:

✉ DafyddWynWilliams@gwynedd.llyw.cymru



Mr Richard Bowen

Cyfarwyddwr (Dros Dro) yr ASB yng Nghymru

Asiantaeth Safonau Bwyd

Llawr 11, Ty Southgate

Wood Street

Caerdydd

CF10 1EW

20 Mehefin 2018

Annwyl Mr Bowen

Parthed: Perfformiad Cyngor Gwynedd o ran cyflawni ei wasanaeth gorfodi cyfraith bwyd

Diolch am eich llythyr o'r 5 Mehefin 2018 yn dilyn ein cyfarfod o'r 21 Mai 2018 ynglŷn â'r uchod. Roedd y cyfle i drafod eich pryderon gyda ni ac i gael eich cyngor ar y ffordd ymlaen yn hynod o fuddiol ac rydym yn gwerthfawrogi eich cefnogaeth gyda hyn.

Pwysleisïaf ein bod fel Cyngor yn cymryd y materion yma o ddifri a gobeithio eich bod yn gallu gweld hynny yn dilyn ein cyfarfod diweddar, a'r camau rydym eisoes wedi ei rhoi yn eu lle i gyflawni ein cyfrifoldebau statudol fel Cyngor o safbwynt cyfraith bwyd. Credaf fod y sefyllfa rydym ynnddi yn adlewyrchiad o'r lleihad yn yr adnoddau staff sydd wedi bod dros y blynyddoedd, sydd fel y gwyddoch, yn sefyllfa debyg ar draws wasanaethau'r Cyngor. Nodaf fod y flwyddyn 2017/18 wedi bod yn flwyddyn o ddygymod gyda newid a lleihad mewn adnodd staff yn y gwasanaeth yma, a bod hyn mae'n debyg yn cael ei adlewyrchu'r ymyriadau hylendid a safonau bwyd sydd wedi ei cynnal ar gyfer y flwyddyn ddiwethaf.

Rydym yn awyddus iawn i ddangos i chi ein bod yn rhoi mesurau cadarnhaol yn eu lle i fynd i'r afael a'r mater. Rwyf yn gwybod o'n sgwrs eich bod yn gwerthfawrogi na allwn gyfarch eich pryderon dros nos ac mai yn raddol y gallwn wneud hynny dros y deunaw mis nesaf. Deallaf o'r ohebiaeth flaenorol gyda chi eich bod wedi cyfeirio at ymyriadau hylendid bwyd fel y brif flaenoriaeth, ond rydym yn derbyn bod angen i ni hefyd fynd i'r afael a'r gofynion o ran amllder ymyriadau hylendid bwyd. Byddwn felly yn cynnal asesiad o'r adnoddau y byddwn ei angen i gwrdd a'r ôl-groniad o ymyriadau ac i gynnal ymyriadau dyledus yn flynyddol ar gyfer cyflawni'r gofynion o safbwynt cyfraith bwyd.

Ein bwriad yw cynnwys yr asesiad adnoddau, fel rhan o gynllun busnes blynyddol 2018/19 rydym yn ei gyflwyno i chi fel rhan o'r trefniadau safonol sydd yn eu lle. Byddwn wrth gwrs yn gwerthfawrogi eich barn ar yr asesiad drafft, cyn i ni ofyn am gymeradwyaeth yn y dull priodol o fewn y Cyngor, ar gyfer y cynllun busnes. Ein bwriad yw gyrru cynllun busnes drafft 2018/19 i chi cyn diwedd Mehefin 2018 fydd yn cynnwys yr asesiad o adnoddau.

Cafwyd sgwrs agored yn ein cyfarfod ynglŷn a'r adnodd staff oedd posib ei hangen ar gyfer cyrraedd sefyllfa lle gallwn fod yn gweithio tuag at gydymffurfio gyda'r gofynion cyfraith bwyd. Rwyf yn cofio i chi nodi'r angen am werth £70 mil o adnodd i gwrdd â'r diffyg a fuasai gyfystyr a 2 aelod staff i gynnwys Swyddog Iechyd Amgylchedd a Swyddog Technegol (neu gyfystyr). Mae hyn yn adlewyrchu maint yr adnodd rydym wedi bod yn ei ystyried

Swyddfa'r Cyngor
Caernarfon
Gwynedd. LL55 1SH
01766 771000
www.gwynedd.llyw.cymru

sydd ei angen ac i'r perwyl yma rydym erbyn hyn wedi apwyntio Swyddog Iechyd yr Amgylchedd (Dros Dro) am gyfnod o flwyddyn fel man cychwyn. Derbynnir mai cam dros dro yw hyn a chadarnhaf ein bwriad i gyflwyno adroddiad i Gabinet Cyngor Gwynedd cyn diwedd Gorffennaf 2018, yn gofyn am gefnogaeth i ni allu cyfeirio cyllideb barhaol o £70 mil ar gyfer Swyddog Iechyd yr Amgylchedd a Swyddog Technegol (neu gyfystyr) i'r Gwasanaeth Gwarchod y Cyhoedd. Nodaf eto y buasai unrhyw apwyntiadau staff newydd angen cyfnod o gymhwysu a chyfarwyddo ac oherwydd hynny y buasai cyflawni'r gofynion o ran cyfraith bwyd yn broses raddol.

Yn ogystal a'r uchod nodaf isod y camau eraill mae'r gwasanaeth eisoes yn ei gweithredu:


- i. Mae swyddog oedd yn hyfforddai dros fwyafrif 2017-18 bellach wedi cymhwyso i gynnal archwiliadau risg uchel. Mae ardaloedd gwaith / llwyth gwaith swyddogion wedi ei newid yn rhannol i adlewyrchu hyn a rhannu'r gwaith yn fwy hafal.
- ii. Mae trefn cynnal archwiliadau hylendid a safonau ar y cyd yn aeddfedu gyda swyddogion bellach yn gyffyrddus yn gynnal y ddwy drefn law yn llaw lle bo hynny'n ymarferol
- iii. Edrych ar anghenion Gwarchod y Cyhoedd o safbwynt y defnydd o system gyfrifiadurol swyddfa gefn, gyda'r nod o leihau ar yr ymdrech sydd yn gysylltiedig â gweinyddu a chofnodi archwiliadau / ymyriadau fel y gall Swyddogion ganolbwyntio mwy ar y gwaith allan yn y maes.

Rydym yn gobeithio y byddwch yn gwerthfawrogi o'r uchod ein bod yn gwneud pob ymdrech posib i ymateb yn gadarnhaol i'ch pryderon fel rhan o'n ymrwymiad i gyfarch yr holl ymyriadau hylendid bwyd a safonau bwyd yn unol a'r gofynion o ran amllder.

Hoffwn ddiolch i chi am gytuno i godi'r materion cyllidol a drafodwyd yn ein cyfarfod gyda Llywodraeth Cymru ac am eich cefnogaeth ac edrychwn ymlaen at barhau i gydweithio'n agos gyda chi. Byddwn yn trefnu i roi diweddariad i chi yn ystod mis Awst ar ein hymdrechion i geisio sicrhau cyllid parhaol ar gyfer adnodd staff i'r Gwasanaeth. Cadarnhaf hefyd ein bod erbyn wedi cymeradwyo'r adroddiad LAEMS ar gyfer 2017/18 ac ymddiheurwn am unrhyw oediad gyda hyn.

Diolch eto am eich cefnogaeth a'ch cydweithrediad.

Yn gywir



Dafydd Wyn Williams
Pennaeth Adran Amgylchedd
Head of Environment Department

cc

Dilwyn Williams, Prif Weithredwr

Gareth Jones, Uwch Reolwr, Gwasanaeth Cynllunio a Gwarchod y Cyhoedd

Daniel Morelli, Pennaeth Dros Dro – Tîm Cynorthwyo ac Archwilio Awdurdodau Lleol (ASB)

Craig Sewell, Archwilydd (ASB)